

“ Creator Spiritus,” ab omnibus sociis præsentibus in capella, invocando Spiritus Sancti gratiam, solemniter decantetur; cum oratione, “ Deus qui corda fidelium, &c.”

Quo facto, senior socius in capella tunc præsens associet sibi duos alios socios maxime seniores præsentium juxta admissionem; quibus simul stantibus ad mensam Domini præfatæ capellæ, primo dictus senior coram duobus aliis suffragium suum propria manu scribat; postea vero alii duo scribant singulatim suffragia sua manibus propriis; et deinde omnes alii socii præsentés, singulatim, pacifice, et sine murmure vel strepitu (sub pœna expulsionis a collegio ipso facto), sua suffragia coram prædictis tribus senioribus deponant et scribant suis propriis manibus sub hac forma vel consimili, “ Ego N. eligo N. ad officium præsidentis hujus collegii.” Quibus sic conscriptis in una schedula, dictus senior, vel alius quisquam illorum trium, suffragia eadem aperte et distincte legat coram omnibus sociis præsentibus; et in quem major pars sociorum omnium tam præsentium quam absentium consenserit, ille pro electo habeatur absque contradictione cujuscunque; quam electionem dictus senior antequam recedat sub hac forma pronunciare teneatur, “ In nomine Patris et Filii et Spiritus Sancti, ego N. socius hujus collegii, nomine meo et nomine omnium sociorum meorum (sive majoris partis eorundem), eligo et electum pronuncio N. in præsentem hujus collegii.” Si autem contingat majorem partem sociorum omnium tam præsentium quam absentium non convenire in unam personam, tunc omnes et singuli socii præsentés vota et suffragia sua, singulatim, rursus, et de novo, scribant juxta formam præscriptam; et sic faciant ter si toties majori parti sociorum præsentium videbitur expedire: et si contingat majorem partem sociorum omnium tam præsentium quam absentium adhuc non convenire in unam personam, tandem compromittant omnes et singuli socii præsentés sua suffragia in quinque socios maxime seniores omnium præsentium, et in quem major pars ipsorum quinque consenserit pro electo habeatur absque hæsitatione vel contradictione quacunque. Quam electionem dictus senior pronunciare in forma prædicta teneatur. Si autem major pars dictorum seniorum in unam personam ante horam duodecimam ejusdem diei ibidem non consenserit, tunc penes regiam majestatem eligendi potestatem esse volumus. Deinde faciat dictus senior electum præsentem inquiri, et (peractis ab eodem præsidente electo omnibus, quæ hujus regni leges fieri præscribunt), die ab eodem seniore assignanda, coram sociis collegii in capella ejusdem ad mensam Domini ex collegii sumptu personaliter præsentari; quo præsenté, psalmum, “ Te Deum laudamus,” omnes socii præsentés solemniter cantent; et postea coram sociis dictis electus præsidens dabit fidem se observaturum statuta et consuetudines hujus collegii, ad hunc qui sequitur modum.

“ Do fidem me veram Christi religionem omni animo complexurum; Scripturæ auctoritatem hominum judiciis præpositurum; regulam vitæ et summam fidei ex verbo Dei petiturum; cætera quæ ex verbo Dei non probantur pro humanis habiturum; auctoritatem regiam in hominibus summam, et externorum episcoporum jurisdictioni minime subjectam, æstimaturum; et contrarias verbo Dei opiniones omni voluntate refutaturum; vera consuetis, scripta non scriptis, in religionis causa antehabitorum.”

“ Do fidem etiam, quod officium præsentis pro tempore meo fideliter geram; statuta, ordinationes, et laudabiles consuetudines hujus collegii,

“ quantum in me est, illæsa observabo; eademque statuta fideliter exequar, vel exequi procurabo.”

Fide sua sic data, præsidens electus sedem in capella præsidenti designatam capessat; et senior socius præsens, aut si ille fuerit electus, socius proximus senior præsentium exemplar statutorum ei tradens, in præsentem hujus collegii his verbis eum admittat.

“ In nomine Patris et Filii et Spiritus Sancti admitto te in præsentem hujus collegii.”

De residentia præsentis.

Cum certissima rerum omnium experientia edocti sumus, rempublicam omnem brevi casuram, quæ suo rectore destituitur, operæ pretium duximus statuere, quod præsidens hujus collegii resident in eodem singulis terminis per duas partes termini, sub pœna amissionis tertie partis stipendii annui sui pro singulo termino quo duas partes termini in collegio non resederit, nisi rationabilis causa ipsum excuset, per majorem partem sociorum in villa præsentium approbanda; qualem si præsidens allegaverit coram sociis prædictis, licebit eisdem sociis vel majori parti eorundem cum præsidente tunc dispensare, ut licite se absentare valeat a collegio ad placitum, dummodo singulis annis resident in eodem per tres menses continue vel discontinue, sub pœna amissionis stipendii sui pro singulo anno, quo tres menses ante festum sancti michaelis in mense septembri (hunc enim finem anni statuimus quantum ad absentiam pertinet in dicto collegio non resederit, nisi regia majestas quovis anno ampliorem licentiam permittat.

De officio et auctoritate præsentis.

Frustra videntur condi statuta, nisi eadem executioni mandentur. Statuimus, igitur, quod præsidens indifferenter statuta hujus collegii super transgressoribus eorundem exequatur, vel eadem fideliter exequi procuret et supervideat per ejus vices gerentem et alios hujus collegii officarios. Statuimus etiam quod præsidens, siquando sibi aut quibusvis, tribus sociis collegii visum fuerit, ad tractandum et deliberandum super collegii negotiis socios convocet et talibus convocationibus præsideat.

Statuimus, insuper, quod omnes pecuniarum summæ, huic collegio quovismodo debitæ, recipiantur vel per præsentem vel per thesaurarium superiorem aut ejus substitutum.

De præsentis amotione.

Statuimus quod, siquando præsidens manifestæ secessionis ab Ecclesia Anglicana accusetur, faciat procancellarius hujus academice quam primum ut accusatio in curia sua investigetur, et, si confirmetur, præsentem ab officio ejus removeri judicet: quo judicio officium dictum præsentis statim vacet.

Statuimus quod, siquando præsidens alicujus criminis coram iudice legitimo convictus fuerit, liceat procancellario, si sibi videatur, de ea re in curia sua inquirere, et præsentem, si sibi constiterit convictum fuisse, ab officio ejus removeri judicare: quo judicio officium dictum præsentis statim vacet.

Statuimus etiam quod, siquando manifeste constiterit majori parti sociorum omnium tam præsentium quam absentium præsentem flagitiosæ vel solitæ pravitatis, malæ muneris sui administrationis, aut gravis officii sui negligentie noxium fuisse, ita quod dicta major pars eum collegio præsidere parum idoneum sentiat, liceat dictæ majori parti eum accusare coram procancellario, qui faciat, ut accusatio in curia sua investigetur, et cui liceat, si confirmetur, præsentem ab officio